

Augsburg, 24. Februar 1568

Von Achilles Pirmin Gasser

Druck: Cicero, De officiis, Basel 1569, V, fol. AAA4v.

Edition: Burmeister, Gasser, Bd. 3, S. 407-409, Nr. 121 (mit Übersetzung).

DOCTISSIMO VIRO D. HIERONYMO VVOLFIO  
 Oetingensi, Graecae et Latinae linguae Professori, ac Bibliothecario illu-  
 stris Reipublicae Augstburgensis, amico suo cha-  
 rissimo S.

Rata est mihi lucubrationis tuae dedicatio, laudoque tuam gratitudinem. Sed ea quae mihi amicius, quam uerius adscribis, ut non agnosco in me, ita uereor, ne alijs utrumque calumniandi ansam praebeas tua ista ἐπιδιαψιλεύσει: sed tuae fronti ea permitto. Quod uerò breuiter, quid de tantis disputationibus doctissimorum philosophorum, sed ethnicorum, sentiam, me adscribere uis: En quid sentiam, ut breuiter, ita liberè, opicis meis uersibus tibi communico: quos rogo boni consulas: et, si digni uidentur, calci epistolae tuae iungas.

Somnia quae exponis, Cicero et quae Somnia narrat,  
 Monstrant Philosophos Somnia saepe loqui.  
 Quae ratio dictat de Anima, vel origine Mundi,  
 Aut magno de Anno, nil rationis habent.  
 Cycli stellarum num cantent, num Numeris res  
 Orbis consistant, nemo docebit homo.  
 Omnia sunt hominum de his rebus dogmata vana,  
 Dignaque derisu, vel magis Impietas.  
 Ingenij dotes veneror, sed caetera damno:  
 Biblia sola etenim vera docere queunt.

CHVNRADVS CELTES PROTVCIVS,  
 Linque Deo tacitas Naturae reddere causas:  
 Maxima pars veri pectora nostra latet.

His uale, et Achille tuo ad uota utere semper. Ex aedibus nostris retro Santulricum: die Mercurij in ipso sesto apostoli Matthiae, qui Ischariotae successit. Anno Salutis labente 1568.

Achilles P[irminus] Gasserus L[indauiensis]  
 Medicinae doctor:  
 tuus.